




Future-proofing our children

Sekolo sa Tshipi 1

Setlhogo

Dipeo le dimela

Mokaedi wa batsadi
Sekolo sa Tshipi ithutelo lapeng



Go Motsadi

O a amogelesega mo “**Dipeo le dimela**”Thuto ya sekolo sa Tshipi.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsweledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45</i> . 2.3: Thuto e lebaganye (Sekolo sa Tshipi 1). 2.4: O ka kopa thuso mo morutabana wa gago wa sekolo sa Tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng kana mo phateng.



5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6.	Kwala dintlha tse o batlang go di gakologelwa.

Go ruta thuto ya sekolo sa Tshipi mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto, o ka nna wa e bala jaaka polelo
9.	Supegetsisa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso (Tla Morena Jeso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng
4. Itshwaraaganye le mogokaganyi wa sekolo sa tshipi kana morutabana wa SS 1 go go fa kitso e nngwe



Thuto

Setlhogo	Dipeo le dimela
Temana	Genesis 1: 11-13, 20-25
Maikaelelo a thuto	Bana ba nne le tlotlo mo Modimong mmopi, yo o dirileng dilo tsotlhe gore di tshele mmogo e bile di babalesege.

Tshoboko ya thuto:

- O gakologelwa thuto ya maloba e neng e re re ka dirisa dibopiwa tsa Modimo go dira tshingwana ya rona?
- Tsatsi jeno re tile go bua ka ditlhare gore di tswa kae.
- Bontsi jwa ditlhare di tswa mo peong.
- Ditlhare di farologanye mme sengwe le sengwe se na le peo ya sone e e faphegileng.
- Dingwe dipeo di dinnye mme di kgona go gola e nna setlhare se setona.
- Fa o batla tshingwana e ntle o tlhoka dipeo go lema.
- Setlhare sengwe le sengwe se tlhoka seemo sa bosa le mmu o o faphegileng.
- Pele ga o lema o tshwanetse go baakanya mmu wa gago ebile o itse gore di katologanya jang le boteng jwa mmu.
- Dipeo tsa gago di tla tlhoka metsi a mantis go gola di nna thata.
- O nne pelotelele go emela dipeo tsa gago go mela.
- Morago ga malatsi o tla bona botalanyana bo tlhaga mo mmung.
- Fa o lebelela mo tshingwaneng o tla bona digagabi tse di tshwanang diboko ka gore di rata go ja ditlhare.
- O seka wa di bolaya ka gore ga di itire go bo di jele ditlhare tsa gago.
- Modimo o di dirile jalo gore di tshele ka go ja ditlhare.
- Fa o le pelotelele o tla bo o na le tshingwana e ntle e tletse ka dithunya le dintsi tse di dirilweng ke modimo.

Thuto e re ruta eng?



- Modimo o beile motlholo wa botshelo mo peong gore ka yone setlhare se sentle se gole.
- Ka peo Modimo o dirile gore ditlhare di babalesege.
- Batho ba lema ba bo ba tlhokomela ditlhare, mme Modimo o dira gore di gole.
- Dipeo tse dingwe jaaka Korong, mmidi le mabele ke dijo tsa batho.
- Dimela ka bontsi di dirilwe e le dijo tsa batho le diphologolo.
- Le segagabinyana se se tshosang se dirilwe ke Modimo ka lobaka.
- A re babaleleng lebopo la Modimo ka go tlhokomela ditlhare le go se bolae diphologolo.
- Fa rona re le batho re tlhokomela dimela re tla tswelala re na le dijo.

Dipotso tse re ka di botsang

1. Ke efe phologolo e e jang ditlhare?

A: Di dintsi, thusa ngwana

2. Peo e tlhoka eng go gola?

A: mmu o o siameng, metsi le letsatsi

3. Kee ng re tlhoka ditlhare?

A: dijo, moriti le dithunya tsa mo kerekeng, mma bana ba bue

Thapelo ya ga mme le rre e rapelwang pele ga thuto:

Morena o o rategang

ke lebogela letsasti le.

Re lebogela pabalelo ya gago le lerato la gago.

Thusa tlhaloganyo le pelo ya me go tsepama

Mo go se ke yang go se ithuta.

A ke gakologelwe gore ke ka go tshepha gotlhelele.

Ke lebogela diitshagofatso tsa gago.

Ke ya go rata Rara.

Amen.